




Služba za privredu, finansije i inspekcijski nadzor

Broj: 04-12-2-1112-1/2021
Hadžići, 08.02.2021. godine

SKUPŠTINA KANTONA SARAJEVO
Reisa Džemaludina Čauševića 1
71000 Sarajevo



Predmet: Obavijest u vezi zastupničke inicijative.-

Veza: Vaš akt broj: 01-04-151-54/21 od 01.02.2021. godine.

Poštovani,

shodno Vašem dopisu od 01.02.2021. godine kojim putem ste dostavili inicijativu kojom se traži ukidanje takse na istaknutu firmu, obaviještavamo Vas da nismo u mogućnosti udovoljiti istoj. Naime, Općina Hadžići prihod koji ostvari na osnovu Zakona o komunalnim taksama („Službene novine Kantona Sarajevo“ broj: 14/06, 34/07, 02/08-Ispravka, 29/11, 31/12, 36/12-Ispravka i 28/18), kao i na osnovu Odluke o visini komunalnih taksi na području općine Hadžići („Službene novine Kantona Sarajevo“ broj: 1/19) koristi između ostalog i za pomoć privrednicima i poljoprivrednicima registrovanim na području općine Hadžići. U protekloj godini po navedenom osnovu smo ostvarili prihod od oko 285.000,00 KM, a na ime pomoći privrednicima i poljoprivrednicima uplatili preko 580.000,00 KM, što znači više nego duplo iznosa naplaćenog po osnovu takse na istaknutu firmu, oznaku, obilježje ili natpis na poslovnim i drugim prostorijama, objektima i mjestima kojima se označava da određeno fizičko ili pravno lice obavlja izvjesnu djelatnost ili zanimanje na području općine Hadžići.

Shodno gore navedenom ukidanje prihoda po osnovu komunalnih taksi, od strane općinskog vijeća Hadžići bi značilo znatno manje sredstava za pomoć privrednicima i poljoprivrednicima u 2021. godini, a također i u svakoj narednoj godini u kojima se prognozira i gora ekonomska situacija nego što je bila u 2020. godini. Napominjemo da je prihod po osnovu komunalnih taksi jedini prihod koji općine ostvaruju direktno od firmi što je i propisano članom 8. stav 1. Zakona o komunalnim taksama.

Srdačan pozdrav,

DOSTAVLJENO:

1. Naslovu;
2. Arhivi.



Općinski načelnik

